



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

XXXVII. An vera & visibilis Ecclesia poßit deficere?

urn:nbn:de:hbz:466:1-35233

Dei. Isaïa. 60. *Omnes isti congregati sunt. &c.*

2. Nec soli Deo cogniti: nam Isa. 61. *Sciatur in Gētib; semen eorum: Omnes, qui viderint eos, cognoscent eos, quia isti sunt Semē, cui benedixit Deus.* Dan. 2. Christus est lapis excisus crescens in montem magnum, qui implevit totam terram.

3. Omnes tenentur se Ecclesiæ adiungere: iuxta Isa. 60. *Ambulabunt gentes in lumine tuo: ergo con'pici debet.* Item dignosci ab hæreticis: Vnde *Splendor eius sicut lux; ne ait August. l. 18. Ciuit. c. 32. credentes ad obscuri nominis sectam transeant.*

4. Gloria Christi debet necessariò ex gloria visibilis Ecclesiæ clarescere. Hinc, 1. Tim. 3. *Ecclesia Columna. &c. Et manifestè magnum est pietatis Sacramentum, sc. Incarnatio, quod manifestatum est in carne, iustificatum in spiritu, apparuit Angelis, prædicatum est in gentibus, creatum in mūdo, esumtum in gloria.* Et sic omnia, quæ dixit Scriptura de Christo incarnato Ecclesiæ quoque inferunt manifestationē. Vnde Aug. epist. 48. *Quomodo confidimus ex Scriptura nos accepisse Christum manifestum; si non inde accepimus Ecclesiam manifestam?*

DICO AD I. Ieremias confert Vetus Testamentum cum Nouo; non Ecclesiam cum Ecclesia. Neque lex in cordibus scripta infert Ecclesiam inuisibilem.

AD II. Loquitur ibi de tuo aduentu primo, vel de gratia.

AD III. Agit ibi Christus de ritu modoque adorationis: non de loco: *te. in spiritu*, contra corporales Iudæorum adorationes; & *Veritate*, contra Sama-

ritanorum falsitatem. Ita D. Thomas.

AD IV. Intelligitur per Sion Ecclesia triumphans, non Militans; ad quā spe, non reaccessimus. Ita Chryf. Theophil. S. Thomas.

AD V. Ecclesia dicitur spiritualis, nō secundum substantiam, vt Angeli; sed secundum Ordinationem; quia ordinatur ad spiritum, & dominatur in ea spiritus. Sic, 1. Cor. 2 dicitur *homo spiritualis*: 1. Cor. 15. *Corpus spirituale.*

AD VI. Non Ecclesia creditur; sed Sanctitas Ecclesiæ; quæ est inuisibilis. Aut, Videmus cœtum Ecclesiæ; quod autem is sit Ecclesia, hoc credimus. &c.

QVÆSTIO XXXVII.

An vera & Visibilis Ecclesia possit deficere?

LUTHERO-CALVINISTÆ apud Bell. l. 3. de Eccl. c. 11. docent Visibilem Ecclesiam interdum errare in fide & moribus sic, vt penitus deficiat.

SVADENT istis. 1. Quia, Adam & Eva à Deo apostatarunt. 2. Aaron totusque Israël apostatauit ad vituli latriam. Exod. 32. 3. Item tempore Helix. 3. Reg. 19. *Relictus sum ego solus: Et illi 7000. nec Helix erant cogiti.* 4. Tempore Christi pauci supererant fideles; tempore Antichristi, Luc. 18. *putasne Filius hominis veniens inuentet fidem?* 5. Non obstant factæ promissiones, quod non sit defectura: Nam *Leu. 28. promisit se populum non abiecturam; abiicit tamen, Osea, 2.*

AVTOR. Visibilis Ecclesia nunquā potest deficere. 1. Ita *Verbum Domini, quod manet in æternum, in meo Antichristo p. 2. q. 15.* 2. Quia Regnum Christi æternat, quod est Eccl. Visibilis. Pf 88.

Eb 3 Thro.

Thronus eius sicut sol in consp. eius, & sicut luna perfecta in aeternum &c. Ponam in saeculum saeculi semen eius, & Thronum eius sicut dies caeli. Dan. 2. Suscitabit Deus caeli regnum, quod in aeternum non dissipabitur. Luc. 1. Et regni eius non erit finis. quae de Ecclesia Visibili dicuntur. 3. Donatistae dicebant, totam visibilem Ecclesiam perisse; solum in Africa paucos de ea superesse Donatistas: Quos refutat S. Aug. in Psa. 101. Inuisibilem perire non posse Donatistae aequè, ac Luthero-calvinistae, asseriebant.

4. Ratio. Si aliquando sola esset inuisibilis Ecclesia; esset etiam aliquando salus impossibilis ijs qui extra eam sunt; Nam ingredi non possent eam, quam ignorant. Item: Illi, qui inuisibilem faciunt, aut palam profitentur fidem, aut non: si palam; iam est visibilis: si non; iam nulla est Ecclesia & salus. Quia, Rom. 10. Ore fit Confessio ad salutem: Nec est Ecclesia, ubi non est Confessio fidei.

DICO AD I. Illi duo non erant Ecclesia, sed initium futurae.

AD II. Moyses erat summus Pontif. & Caput; is non errauit: Aaron tunc non erat Pontif. Nec totus populus defecit. Nam tribus Leui erat Domini, congregatiq; sunt ad Moysen. &c.

AD III. Iudaei non erant soli Ecclesia Vniuersalis. Nec Iudaei omnes defecerunt, sed solus Israel subiectus Regi Samariae; Populus Iudae subditus regi Ierosolymitano.

AD IV. Tunc multi erant fideles. Ioann. 12. Act. 2. & 8. Conueniebant viri religiosi ex omni natione. Sub Antichristo fides erit; etsi minus eximia.

AD V. Fuit ea condicionalis pro-

missio: Ecclesiae autem facta est absoluta. Quin etiam, Ego rogavi pro te, NE DEFICIAT FIDES TVA, seu personalis, seu Christiana vniuersa, &c.

QVÆSTIO XXXVIII.

An Ecclesia Visibilis possit errare?

CALVINVS, Instr. lib. 4. c. 8. §. 13. Inuisibilis Ecclesia nec deficere, nec errare potest in necessarijs ad salutem: in alijs potest. Sic ferè Lutherani.

SVADENT istis. 1. Quia, 3. Regum omnes Prophetae 400. errarunt, excepti Ieremias: 2. Isa. 56. Speculatores eius caci omnes, nescierunt vniuersi.

3. Pōitex, Sacerdotes, omnisque populus clamauerunt: Crucifige. Et Apostoli fidem amiserunt: iuxta Matth. 26. Omnes vos fratres, dolum patiemini. Et Marc. ult. Exprobraui incredulitatem eorum.

Duas tamen restrictiones apponit: 1. Si reiiciat Traditiones, & nihil extra Scripturam proponat. 2. Vniuersalis Ecclesia sola non errat, si non extendatur ad Episcopos; qui singuli sunt particularis Ecclesiae.

AVTOR. I. Ecclesia Vniuersa, est Dubitare in quibusdam possit; vt in Cōceptione immaculata B. V. Absolutè tamē & pertinaciter nequit errare in Cōdendis, aut Faciendis; siue ea proponantur ex Verbo Scripto, siue Tradito: id est tam in Vniuersis fidelibus, quam in Episcopis repræsentatiuè.

1. Quia, sic in Euangelio Dominus Vide meum Antichristum par. 2. q. 10. Adde 1. Tim. 3. Ecclesia Dei est Columna & firmamentum Veritatis. Non hic alii Scripturarum Custos, vt Calvinus fingit. Nam fuit Columna tunc etiam Ecclesiam cum nulla esset S. Scriptura usquam. Deinde, Eph. 5. Vir caput est mulieris, sicut Christus.